

ملی مجلسین ایکینجی عمومی اجلاسینین ۲نجی جلسه سینده اولونموش دانیشیقلارو آقای پیشه ورینین آذربایجان ملی حکومتینین ایندییه قدر گوردوگو ایشلر حقینده وئردیکی گزارش

جمعه گونو فروردین آیین ۱۶ سیندا، ساعت ۹/۵ دا آذربایجان مجلس ملیسینین ایکینجی اجلاسی، نماینده لرین حضورو و آقای شبسترینین ریاستیله، تشکیل اولدو. بو جلسه ده دولت هیئتی ده حاضر ایدی.

آقای شبستری- من ایکینجی دوره اجلاسینین ۲نجی جلسه سینی رسماً آچیق اعلان ندیرم. آقای محمد عظیمیا دونکی جلسه نین صورت جلسه سینی مختصراً راپورت وئره جکدیر.

آقای محمد عظیمیا بیرینجی جلسه نین صورت جلسه سینی مختصر وجهله اوخودو. آقای شبستری- بیرینجی جلسه ده اوخونان پروگرام موجبجه آقای پیشه وری آذربایجان دولت هیئتینین ایندییه قدر گوردوگو ایشلری باره سینده بیر راپورت وئره جکدیر:

آقای پیشه وری- من نله فکر ندیرم که، دنیه جگیم سوزلر چوخ مفصل اولا بیلمز. چونکه دولتین بوتون گوردوگو ایشلر خلقین اطلاعیله، خصوصاً مجلس ملی عضولرینین مستقیم نظارتیله اولموشدور. اونا گوره دنیه جگیم سوزلر، گمان ندیرم که، نماینده لر ایچون تازا سوزلر اولمییاجاقدیر و فقط بونلار مختصر صورتده تذکریمی اولا بیلر. سیز چوخ گوزه ل بیلیرسیز که، بیزیم ملی دولتیمیز مبارزه لرده

...آقای پیشه ورینین...گوردوگو ایشلر حقینده ونردیگی گزارش

دوغولوب؛ دولت و مجلس سلسلرین، تفنگلرین و باشقا اسلحه لرین گورولتوسو آلتیندا تشکیل تاپبیدیر. بیزیم وزیرلریمیز و دولت ایشچیلریمیز آزادخواهلاردان سنچیلیب دولت ایشلرینه وارد اولموشلارسا، کفایت قدر مجرب دگیلدیلر. استبدادی دولتدن پیس یادگارلار و منفور ارتلر: اوغورلوق، اختلاس، تنبلیک و دولت مقاماتیندان سؤاستفاده نتمک و دوائرین بربالدلیغیندان باشقا بیر شئی قالمامیشدی. ایشچیلردن بیر عده سی فقط معاشلارینی تأمین ندیب گونلرینی کنجیریب، ساعت سایماق و اوندان سونرا خصوصی ایشلرینین دالینجا گنتمکدن باشقا فکرلری یوخ ایدی. من اولناری سرزنش نتمک ایسته میرم، چونکه تشکیلاتین اقتضاسی او ایدی. بنش نفر، اوچ نفر صادق آدام اولسایدی دا یا ایشدن چکیلیردی؛ یا ایشده قالیردی سا، محیطله سازش نتمگه مجبور اولوردو و بنله لیکله بیر جور امرار معاش ندیردی. ملی دولت تشکیلینده اداره لریمیزین وضعی بو ایدی. حتی من سابق استنادارلیق بناسینا گنتمیکده، استفاده نتمک ایچون، بیر کاغذ و پاکت تاپا بیلمه دیم. خصوصاً او وقت که، استنادار بویوک اختیار اتلا گلمیشدی که، آذربایجان نهضت ملی سینی یاتیرتسین؛ فارسار دنمیشکن "در باغ سبز" نشان ونرسین.

بیز حکومتی اله آلدیغیمیزدا وضعیت چوخ آغیر ایدی. من ایندی هله مالی جهندن دنیره م هر حالدا حکومتی اله آلدیغیمیز زمان بیز پروگراملا ایشه باشلادیق و او پروگرامی تصویب ایچون مجلسه گنیردیک. بیز قاباغیمیزا قویدوغوموز پروگرام ایران دولتینین عادی پروگراملاری نظیری دگیلیدی. بو پروگرام عملی بیر پروگرام ایدی. بیز بیلیردیک که، بو دولت معین بیر مدته بو ایشلری گۆره جک. من بنله گمان ندیرم که، او پروگرام نماینده لرین نظرینده دیر. پروگرامدا بیرینجی مسئله ملی حکومتین قورولوشودور. ملی حکومت نله قورولمالیدی که، خلق حس نئسین که، بو حکومت اونون قوردوغو حکومتدیر و اوندا یاخین دخالتی واردیر. بو ایش سؤزده چوخ آسان گورونوردوسه، عمله چوخ چتیندیر. چونکه کنچن حکومت خلقی دولتدن آیری اولماغا عادت ونرمیشدی. دولت خلقین باشی اوستونده بیر یوموروق کیمی

اولوب، ملت ایسه عذاب و فشار آلتیندا دولت چرخلرینی دولاندیرمالیدی. ملتین دولتی موراتدا دخالتی یوخ ایدی. بیز بو عادتیی دگیشمه لی ایدیک. دولت ملتین سعادتینی تأمین نتمه لیدی. بیز پروگرامدا گؤستریمیشیک که، بو نجه اولمالیدیر. بو ایشچیلرین شخصاً دموکرات اولمالاریله انجام تاپا بیلمز، بلکه عملده نله اولمالیدی که، خلقین ایسته دیگی عمله گل سین. بیز تشکیلات اوزه ريله دولتی تشکیل وئریب ولایت و بؤیوک انجمنلری واسطه سیله اداره ایشلرینده، مالیه و صحیه ایشلرینده خلقه نظارت نتمگه امکان وئردیک.

ایکینجیسی بلدییه لر مسئله سی دیر. کنچن دوره ده شهرداری انجمنلری دولت تشکیلاتینا تبدیل اولوب، بلدییه رئیس دولت طرفیندن تعیین اولونوردو. ظاهر سازلیق ایچون اونا انجمن آدی قویموشدولار. بیز خلقین مستقیم صورتده بو انجمنی سنچیب و بلدییه ایشلرینده دخالت نتمه سینه امکان وئردیک. البته بوتازا بیر ایشدیر. بیر مدت لازم دیر که، دوزگون صورتده چالیش سین و بیز قطعی صورتده بونو نده بیله جیبیک. منیم یادیم گلیر که، (آقای یکاتی بورادا دیر یا خیر) کنچن ایل بایرامدان قاباق خویا گنتمیشدیم. بلدییه سپورلارینین پالتاری یوخ ایدی و آیلیق دا آلامیشدی لار. ایستیردیلر شهرین کوچه لرینده اولان آعاجلارین باشینی کسب ساتماقلا اولارین آلیقلارینی تأمین نتسینلر. من ایندی باشی اوجالیقلا دنیه بیلرم که، بلدییه میزین ایشی او قدر یاخشیی لاشیب، نه اینکه حقوقلارینی دا وئریرلر، بلکه شهرین ایچریسینده ده اصلاحات باشلانیب دیر. مراغه شهری ایرانین مشهور شهری حساب اولونماییب، دنمک اولار که، متوسط شهرلرینده دیر و مترقی شهر دگیلدیر. بونولا برابر مراغه ده بلدییه انجمنی، مالی وضعیتین یاخشیلیغینا استنادا، تصمیم توتوب که، بیر دولت تیاتروسو بنا نتسین. بو چوخ اهمیتلی بیر ایشدیر. چونکه ایران حکومتی ایندییه قدر حتی تهراندا دولت تیاتروسو عمله گتیره بیلمه ییدیر. لاکن ایندی خلق انجمنی نوز نوی، نوز عانله سی بیلیر. میاندا بلدییه اوروپا اصولیه بؤیوک بیر حمام دوزلتمک ایسته بیر. بو فکری بیز و مجلس اولارا وئرمه می شیک. خلق نوزو

...آقای پیشه ورینین...گوردوگو ایشلر حقیقنده ونردیگی گزارش

احساس ندیر که، بورادا حمام مسئله سی مشکلدور؛ گرک معاصر بیر شکله بو مسئله نی اصلاح و حل نتمک. البته بو کیمی ایشلر آسان ایش دگیلیر. بنله بیر حمام نچه مین تومنه، شاید ۸۰-۹۰ مین تومنه باشا گلن بیر ایشدیر. بودا میانداب ایچون بویوک بیر پولدور.

تبریزده بلدییه نی تحویل آلتادا اورانین صندوقوندا پول یوخ ایدی. لاکن ایندی بیز باجارا بیله جیبک که، یاخین زماندا تبریزده سو لوله کشلیگی عمله گتیریب و خیاباتلاریمیزی آسفالت نده ک. بیز اونلارین وسیله لرینی ده آمیشیق. تبریز بیرنجی ایران شهری دیر که، اوند سو لوله کشلیگی اولور. من دنمک ایستیرم که، حکومتین خلقه یاخینلاشماسینین نتیجه سی و منفعتی بودور. هله آذربایجاندا انجمنلر مسئله سی تازادیر. لاکن بونا باخمییاراق چوخ آز بیر ینر واردیر که، اورادا انجمن تشکیل ونر مگه موفق اولمامیشیق. چونکه ایندی، بیلیرسیز که، قیشدیر، سویوقدور، گندیب کلمه وسیله لری ده یوخدور. هله ایندی ده اهردن نماینده لر گلنده شاید آت وسیله سیله گلیبلر.

ایندی انجمن تشکیلاتی قورولوب و طرحی ده وجوده گلیبیدیر. اونو یواش-یواش منظم حالا سالماق لازمیدیر. من فکر ندیرم که، اوچ دورد آیدا بوندان آرتیق ایش گورمک اولماز و البته محترم نماینده لرین و دولت ایشچیلرینین فعالیتی و حسن نیتی اوزرینده بو نتیجه لر الهه ندیلیبیدیر. اوندان سونرا بخشدارلیق و فرماندارلیق مسئله سیدیر. البته اونو بو تنزلیکده منظم* شکله سالماق اولمازدی. دولت مأمورلاری ایچریسینده هنوز آشنا اولمایاتلاریمیز آز دگیلیر. من، منیمله همکارلیق نده ن وزیرلره مکرر دنمیشم** که، بیز دیوانخاتا قورموروق. بلکه اداره لریمیز قانونو اجرا نتمک ایچوندور. فرماندارلاریمیزدا گرک قانونون ناظری و مجریسی اولسونلار. اما بوجور آداملار که، لایقینجه بونو باشا دوشسونلر چوخ آز دیر. چونکه

*- بو کلمه بو کتابدا (منتظم) یازلمیشدیر. - یاشار آذری
**- بو کلمه بو کتابدا (ندمیشم) یازلمیشدیر. - یاشار آذری

کهنه لر باشا دوشمورلر، تازالاردا اداره ایشلرینه آشنا دگیل لر. اونا گۆزه ده اداره لرده بعضی یئرده کهنه آداملار و بعضی یئرلرده تازا آداملار لایقینجه مقصودوموزو اجرا نده بیلمیرلر. بیزیم امیدیمیز بودور که، گلن دوره ده بخشدار، دهدار و کدخدالاری نوز ایده آلمیمیز اوزریله تربیت ندیب و ایش باشینا قویاجاییق. بعضی مترقی یئرلرده دولت ایشچیلری تربیت نتمک ایچون مدرسه لر آچیلیر؛ لکن ایندی بو ایشدن نوتری بیزده مشکلات چوخدور. بونا گۆزه دیر که، ایندی بیز ایناندیغیمیز آدامی ایش باشینا قویوروق. چوخ یئرلرده گورورسن که، او ایشچیلر بیر پارا ایشلرده وزیره مراجعه نتمک یزینه فرقه یه مراجعت ندیر. یا اینکه فرقه یه مراجعت نتمک یزینه، حکومته مراجعت ندیر.

مرور زمان لازمیدر که، بیز اداره ایشچیلریمیزی باشا سالاق که، دموکرات فرق سی سیاسی بیر رهبر دیر. گرک اونون دندیگی سوزه قولاق آساق. لکن حکومت ایشی باشقا بیر ایشدیر و گرک بو ایکیسی قاریشیلما سین. مثلا چوخ وقت اولور که، بیر ایشچی، منه مربوط اولمییان ایشلرده، اون دانا تلگراف بیر- بیرینین دالینجا منه گؤندریر. من مذمت نتمیرم و دنمک ایسته بیرم که، خلق هنوز ملی حکومتین حقیقی معناسینا پی آپارما ییدیر. گرک خلقی مرور زمانلا حاضرلاماق و اونلاری تربیه نتمک. البته مثله مناقشه یوخدور. بو ایش وحشی آتی توتوب مینمک و یا ایشه سالماق کیمیدیر. آدامی آتا تشبیه نتمک اولماز. اما من بونو دنمک ایسته بیرم که، گرک تازا آداملاری ایشه آلیشدیرماق. اما بو بیر گون و یا ایکی گونده اولان بیر ایش دگیلیدر. سیاسی جهتن علاوه تعلیم و تربیت مسئله سینین ده بورادا دخالتی واردیر. بیز، مین جور چتینلیکلره باخمییاراق، بو آز زماندا یئنه ده بیر قدر ایشچی تربیت نده بیلیمشیک. بیز امید ندیریک که، اونلار تنز بیر زماندا دموکراتیک وضعیته آشنا اولاجاقلار. چونکه نیت خالص اولوب خلقه خدمت نتمک فکری اولورسا، اول دفعه اونلار اشتباه نئسه لرده، آخرده حقیقی تاپاجاقلار.

...آقای پیشه ورینین... گوردوگو ایشلر حقینده ونردیگی گزارش

حکومت قورلوشوندان سونرا انجمن تشکیلی، بخشدارلار و فرماندارلار، اجتماعی آدمالار تربیه نتمکله، یواش- یواش خلقی ملی حکومته یاخینلاشدیرا بیله جگیک. بونولا علاقه دار* اولان مسئله لردن بیرسی ده امنیت مسئله سیدیر. بیز اولیندن دنمیشیک که، وار قوه میزله چالیشاجاییق که، خلقین مالی، جانی، ناموسو حفظ اولسون. چونکه امنیت اولمادیقدا بیزیم هنج بیر تدبیریمیز نتیجه ونرمیه جک ایدی. بونا گوره ده ملی حکومت تشکیلینده هامیمیز چالیشدیق که، امنیت، اولدوغو کیمی، تأمین اولسون. من کنارلاردا کندلیلرله دانیشیردیم. حتی چوخوسو منی تانیمیردی که، کیمم و امنیتدن راضیلیق ندیردیلر. حتی مراغه ده بیر پارا آدمالار ندیردیلر که، داستانلاردا دنیلن کیمی، امنیت او قدر یاخشی اولموشدور که، گرک گنجه لر دکاتلاری آچیق قویاق، تا خلق گورسون که، بو ایش افسانه دگیلدیر، بلکه حقیقتدیر. بیز ملی حکومتی اساس امنیت ایچون قورموشوق و امنیتله اثبات نده بیلریک که، دشمنلریمیزین اولده بیزه دندیکلری سوزلر (آذربایجان نهضتینی عمله گتیره نلر اوغوردورلار، جانیدیرلر، یالانچیدیرلار) اویدومادیر.

بیز بونودا اثبات نئدیک و عملده گؤستردیک که، امنیت ایجاد نتمک اولار و خلقی راحتلیگه چاتدیرماق اولار. البته نواقص چوخدور. تک- تک فدانیلریمیز، فرقه عضولریمیز و اداره لریمیزده بیر پارا نقصانلار واردیر. قوی بعضی یولداشلاریمیز بیلسین که، هر کس نوز گناهینین جوابینی شخصاً ونرمة لیدیر.

بیز اهرده ایگیرمی، بلکه قیرخ ایل قولدورلوق نله ین صمد خان و عبدالله خانلاری مجازات نئدیک. خلق بیزی آلفیشلادی و بیلدی که، ملی حکومت اونون راحتلیگی ایچون چالشیر. سید ضیاء روزنامه لری قارنی بیرتیق کاظمیا "شهید راه آزادی" آدی قویدولارسا، خلق اونلارا گولدو.

ملی حکومتیمیزده بوجور آدمالار حیات اولای بیلمز. گرک اونلار، قانون مقابلینده، چوخ محکم بیر صورتده محاکمه اولسونلار. هر کس نوز جرمونون مجازاتینی گرک

*- بو کلمه بو کتابدا (علاقه ار) یازلمیشدیر. - یاشار آذری

چکسین. آیری بیر آدام اونون مجازاتینی چکه بیلمز. اوغول ده نین جرمیله مجازات اولماز. بیز بیرینی، مجرم اولدوغو صورتده، مجازات ندیریک سه؛ اوغونو تربیت نتمه لیک. گرک مجلس نماینده لری ولایتی و بولوک انجمنلری واسطه سیله اونلارا بیلدیرسینلر که، ملی حکومتده بیر آدامین بیر شاهیسینی قانون سوز آلماق اولماز. بیز آزادلیق و خلق دشمنلرین مالارینی مصادره ندیریک. البته آزادلیق علییهنه اولان آداملار گرک مطرود اولسونلار. لاکن بو، قانون موجبجه و معین اولونموش کمیسیون واسطه سیله عمل اولونور و اونلارین ماللاری مصادره و دولت ایچون یاردیم اولور و البته بو ماللار نه حسن، نه حسین، نه جعفر، نه تقی یه دگیل، بلکه خلق یولوندا مصرف اولمالیدیر.

ممکندور اتفاق دوشسون که، تک- تک آداملار مصادره اولونان ماللاردان استفاده نتمیش اولسونلار. لاکن بو چوخ نادریدر. بو ایشلری گورنلر شدید صورتده مجازات اولمالیدیرلار. اونلارین دوستلوغو آبی دوستلوغودور و بیزه دشمن لیکدیر. گرک کاملاً تأمین قضائی اولسون. تک- تک آداملار بنله بیر ایش لر گورموش اولسالاردا، گرک مجلس ملیده اونلارین قاباغی آلینسون. قوی خلق آزاد یاشاسین. خلق نه قدر آزاد یاشارسا، دها آرتیق حکومتیمیزین دالیندا دورار. لاکن بنله اولمادیقا تشکیلاتیمیز تنزلیکله آرادان گنده ر. بیز گرک خلقین اعتمادینی نوزوموزه جلب نده ک که، خلق هنج تصور نتمه سین که، دموکرات فرقه سینده و ملی حکومت اداره لرینده پیس ایش گوره ن آدام اولابیلر. بو فلسفه لر هوادان دگیل. مین ایللرله امتحان اولونوبدور. هر ینرده قانون وار، یاشایش وار. هر ینرده ظلم وار ایستر اورادا اولان دولتین عنوانی دموکرات، ایسترسه مرتجع آدیله آدانسون، انسانلار سعادتیه ینتیشه بیلمز لر. ملی حکومت بو ایشه بویوک اهمیت وئریر.

بیزیم ملی دولتیمیز امنیت جهتن چوخ ایشلر گوروب. فکر ندیریم که، شهر امنیتینی و اطرافدکی امنیت آز- چوخ یاخشیلایبیدیر. کنچن حکومترده خلقین اکثریتینی تشکیل وئر ن کندیلر ایچون هنج جور جانی و مالی تضمین یوخ ایدی. بونلار، نه

...آقای پیشه ورینین...گوردوگو ایشلر حقیقنده وئردیگی گزارش

تک اوغرو و قولدورلار، بلکه دولت مأمورلاری و ژاندارملار طرفیندن ده تضییق اولونوردولار.

ملی حکومت زمانیندا هنج وقت بیر مأمور، قانونسوز، بیرینین نوینه گنده بیلمز. بنله ایشلر گورونورسه گنت- گنده قاباغی آلیناجاقدیر.

کنچن زمان کندلیلر بیر تمیز پالتارلی گوروردوسه، نوزونو گیزلتمک ایسته بیردی. لاکن ایندی بنله دگیل. اونلار باشلارینی یوخاری توتورلار. ایندی کامل امنیت اولونوبدور. ایندی قاچاق و قولدورلوغون قاباغی آلینیبیدیر.

دشمن نه قدر چالیشیرسا که، بیزیمله کردستان خلقینین مناسباتینی بولاندیرسین، لاکن بیز بونون قاباغینی آلیریق و حقا کردستان فرقه چیلری ده دوستلوغا چالیشیرلار. بیزیمله کردلر آراسیندا اختلاف سالماغا چالیشاتلارین پیس حرکتلری ده، معلوم اولدو که، "ارفع" الیله اولوب. بیر عده مراغه ده و چاردولی ده کرد پالتاریندان تجهیز اولونموشدور و بعداً میانه و مراغه حدودو آراسیندا ۳۰۰ نفر بیزیم علیهمیزه تجهیز اولونموشدور. بیز تنز لیکله اونلاری آرادان آپاریب آز زماندا فدانیلریمیزین خدمتی سایه سینده ساده بیر صورتده اونلاری بر طرف نتمگه موفق اولدوق. بو، آذربایجاندا گورونمه ین بیر اهمیتلی ایشلردن دیر. ایندی اهر و مراغه اطرافیندا ملی دولته نسبت مخالف هنج بیر حرکت یوخدور. اردبیل و گرمی محال لاریندا بعضی آنتریکلر اولموشدو. بیز اونو دا آرادان آپارمیشیق. خلقین گناھسیز اوشاغینین باشینی کسن حکومته هنج کیم طرفدار اولماز. عدالت و قانون دوزگون صورتده اجرا اولونمالیدیر.

سونرا من ایسته بیردیم بونو دئییه م که، دولت قورولوشوندان سونرا امنیت مسئله سینده خلقیمیز کهنه ژاندارملاری آرادان آپاریب و قانونی نظمییه تشکیلاتی وجوده گتیرمیشیک. امیدواریق که، بیر ایکی آیا قدر نظمییه نین بو تشکیلاتی چوخ منظم بیر حالا دوشه جک و ژاندارم تشکیلاتیندا اثر قالمییاجاقدیر.

سونرا اقتصاد و مالیه موضوع دور. ملی حکومت وجوده گلدیکنن اوچ آی قاباق، بیز ساده بیر تدبیرلر گورموش ایدیک که، حکومت دگیشدیکده بورجا، یا اعانه بیغماغا مجبور اولمایاق. کنچن انقلابلاردا چوخ اتفاق دوشموشدو که، انقلابی عمله گتیره نلر مجبور اولموشدولار متموللردن بویوک اعانه بیغسینلار. بیز بانگلاری توتمالی ایدیک. لاکن بیز اگر بیر آز عجله نتسه ایدیک، ممکن ایدی که، ۲۱ آزرده ملی تشکیلاتیمیزی قورماغا موفق اولما بیلیمه یه دیدیک. چونکه تهران چالیشیردی که، بیزی تحریک و عصبانی نتسین و ایش ینتیشمه میشدن بیزی بوغسون. اونا گوره ده بیز بانگلاری تنز توتا بیلیمه دیک و بیر هفته ۲۱ آزره قالمیش توندوق.

بیز بانگلاری اشغال نده نندن سونرا معلوم اولدو که، تهران حکومتی آنلامازلیقدان، یا عمدی صورته اوزون مدتدن بری تبریز بانگینا، بیر شاهی دا اولسا، پول گوندرمه میشدیر، بلکه عوضینده حواله گوندرمیشدیر. تبریز بانگی دا نوزو اسکناس چاپ نتمیر که، دولت ایشچیلرینه و نرسین. بلکه تاجرلر و باشقا آدمالار بانگا اعتبار ندیب قویوقلاری پوللاری دولت ایشچیلرینه خرج ندیردی. بورادان چیخان مالیاتلار تهرانا گوندریلیب و ۱۴ میلیون تومان پرداختی تهراندان آنجاق حواله گوندریلیبیر.

بانگی تحویل آلدیغیمیز زمان ایکی ملیون ایکی یوزمین تومن دولت بانگیندا و یاریم ملیوندا آیری بانگلاردا واریدی. مقابلینده ۱۵ ملیون تومن خلقه بورجلوایدی. بوندان باشقا بیز مجبور ایدیک که، اقلأ دولت ایشچیلرینین آذر حقوقونو ونره ک و بو حقوق دا ۳ ملیوندان آرتیق اولوردو. دنمک که، گرک مالیات بیغیب اونلارا و خلقین بورجونو ونره دیدیک. ملی حکومت هر شنیدن آرتیق اقتصادا، پول باخیدیر.

ایندی دنمک اولار که، دنیا دا پول مسئله سی انسان بدننده اولان قان کیمیدیر. بیر اجتماع پول اولماسا، ممکن دور که، او اجتماع سقوط نتسین. بونا گوره ده بیز پول باره سینده آشاغیدا گؤستره جگیم جدی تدبیرلری گوتوردوک:

اولاً بیز قدغن ننتدیگ که، بانگلار موقتی حالدا آداملارا پول ونرمه سینلر. چونکه بیر پارا آداملار بانگلاردان پول آلیب تهرانا آپاریردیلار و ایکی ملیون موجود اولان پولدا بو ترتیبه کفایت نتمزدی. اولده بنله نظره گلیردی که، بازاردا بویوک بحران عمله گله چکدیر. من ایشده مطالعه نتمیشم. منیمله ایشله ین وزیرلر بیلیرلر که، من اول بانگ، مالیه، اقتصاد و سونرا باشقا ایشلره باخیرام. ایندی تاجرلر، اولبیلر که، نوزلری بونا اعتراف نتمه سینلر؛ لاکن بیزیم بو ایشیمیز باعث اولدو که، آذربایجاندا تاجرلر ورشکست اولمادیلار. هالبو که، بو مدتده بین الملل محاربه سی قورتاردیقدان سونرا ایرانین باشقا شهرلرینده یوزلرله تاجرلر ورشکست اولدولار. الحمدلله بیزده ورشکست اولان یوخدور. بیز اگر او وقت ایکی ملیون تومنی پایلاسایدیق خلق بانگا توکولوب، بیر هرج و مرج عمله گلردی. لاکن تدبیرلریمیز نتیجه سینده، ایکی ملیون موجود عوضینده، ایندی بیز، ایکی ملیوندان یوخاری و بلکه ده ۳ ملیون خلقه، طلبلری بابتیندن ونرمیشیک. مالیاتدان یوزده ایگیری بنش تهرانا ونرمک عوضینه اونو طلبکارلارا ونریریک. بیز بیر ملیون پس انداز بابتیندن خلقه ونرمیشیک. البته بو مرور زمانلا اولوبدور. ایندی بیز حس ندیریک که، مالی وضعیتیتمیز یاخشیشیر. ایندی بلدییه اداره لرینده بیر انقلاب کیمی وضع وجوده گلیدیر. البته بو انقلاب فقط دولتین مالی تدبیرلری وسیله سیله اولونان بیر ایشدیر. ایندی بلدییه وضعیتی ده دوزلیر و بوتون آذربایجاندا یواش- یواش بلدییه لر فلاکت حالیندان قورتاریرلار. بس دنمک* که، ملی تدبیرلریمیز بانگلاری و باشقا اداری ایشلریمیزی ده دیریلندی.

گلیردن ونرگی مالیاتینا گلدیکده، بو مالیات دوزگون قورولسادی، عادلانه بیر ایش ایدی. محاربه زمانیندا بیر نفر مالی آلیردی؛ صباح اون برابر قیمتینه ساتیردی. دنیادا مالی ایشده ایشله ینلر بنله مصلحت گوزموش ایدیلر که، دعوا زمانی بو قانونو قویسونلار که، بیر آدم بیر گونده جزئی بیر معامله ده ۱۰ مین تومن قازانیرسا،

*- بو کلمه بو کتابدا (نمک) یازلمیشدیر. - یاشار آذری

۸مین تومنی نی دولته ونر مه لی اولسون که، دولت قوتلنسنین؛ مأمورلارینا و باشقا اداری ایشلرینه خرج اولسون.

البته تجارته یوزده دوقوزیوز قازانچ عادلانه دگیلدر. نازا گلیردن ونرگی مالیاتی قانونو قویولاندا، دکتر میلیسپونون^۱ نظری شاید اول درجه ده دوزگون ایدی. لاکن تهران مجلسینی تشکیل ونره نلر بویوک تاجرلر و متموللردن ایدی که، اونلارا بویوک مالیاتلار علاقه توتوردو. بونا گوره اونلار اشکاللار چیخارتدیلار و مالیاتین نقشه سینی بیر آیری یولا سالدیلار که، نتیجه ده قارماقاریشیق بیر شکله دوشدو و بنله اولدو که، تاجرلر دفترلرین دگیشدیلر و بیر تجارتخاندان مهم تجارتخانا وجوده گتیردیلر. بورادا بویوک تاجرلریمیز واردیر که، بویوک قازانجلاری اولموشدو و ایدنی آند ایچیرلر که، عایداتیمیز یوخدور. لاکن عمده هامی بیلیر و گورور که، اونلارین نه قدر عایداتلاری وارمیش. بونا گوره مالیات اداره لری ده، چون مالیات وصول نده بیلمیردیلر، تشخیص ونرین مالیاتین قاباغینا بیر صفر قویوردولار، تا بلکه بیر شنی وصول نده بیلسینلر و بنله لیکله هرج و مرج تولید اولوردو.

معلوماتور که، ملی حکومت تشکیل تاپدیقدا، بیزیم مالی متخصصلریمیز یوخ ایدی و چاره یوخ ایدی که، مالیاتی تشخیص ونریمک ایچون بیر کمیسیون سنجیلسن. تهران مجلسی ثروتمند آداملاردان تشکیل اولوندوغونا گوره، اورادا نله بیر اصول گوتورموشدولر که، ایللرله مالیات وصول نتمک اولمازدی. مثلا اگر بیر آدم تشخیص ونرین مالیاتا اعتراض نتمسه ایدی، گرک عالی کمیسیوندا اونا رسیده لیک اولایدی که، بو کمیسیوندا تهراندایر. بنله لیکله بویوک تاجرلر و بویوک مالیاتلارا شامل اولاتلار که، نوزلری بو قانونو کنچیرمیشدیلر، نچه ایللرایدی که، بو قانوندان استفاده ندیب، مالیاتلارینی تأخیره سالیردیلار.

بیز منتظر اولایلمزدیک که، تهران عالی کمیسیونو، ایللر بویو اعتراضلارا باخمییاراق، مالیات کمیسیونونو سوروندورسون و بیزی اقتصادی فشارا سالیسن.

^۱ - ایکینجی دنیا محاربه سی ایللرینده ایران حکومتینین استخدام نتدیکی آمریکالی اقتصادچینین آدی.

...آقای پیشه ورینین...گوردوگو ایشلر حقینده وئردیگی گزارش

بونا گوره بو ایشی محلی شرایطه اویغون بیر طرزده اجرا نتمگه قرار وئردیک. عادلانه صورتده بیز قدر مالیات وصولونادا موفق اولدوق. بیز بیر عالی محکمه قوردوق که، مالیات اجراسینا اعتراضلاری اولانلار او محکمه یه مراجعه نتمسینلر و بو محکمه ده رسیده لیک اولوندوقدان سونرا، آرتیق مالیات آلمیش اولسا، صاحبلیرینه قایتاریلسین. بیز بنله لیکله تهران حکومتین مالیات وصولوندا، نوز ایله یاراتدیغی، اشکالی اورتادان گوتورموش اولدوق. بیز غیرمستقیم ایشلرله کوپونچیلارین قباغینی آماق، قند و شکرین قیمتینی عادلانه بیر حالا سالماقلا اقتصاد ایشینه کمک نئدیک و بو ماللارین قیمتینی معتدل بیر شکله سالدیق. بو ایشیمیزین حتی تهرانی بازاریندا دا شدید تأثیری اولدو.

البته بو ماللاردان چیخان سرمایه نی آیری یئره خرج نده بیلیمزیک، چونکه اوندا موجودی پول دا آرادان گندیب دولته ضرر اولاردی. مثلا گرک ایدی که، چای آیب یئرینه قویولایدی.

بیز غلط قانون استخدامی آرادان آپاردیق. کنچن زماندا غلط قانون استخدام اصولیه مثلا بیر نفر ضباط بویوک بیر حقوق آلیردی. مقابلینده بیر نفر تحصیل نتمیش ایکی یوز تومن حقوقلا استخدام اولونوردو. اونا گوره بیز لیاقتلی اولمییان آدمالارین حقوقلارینی آزالتدیک و نوز یولداشلاریمیزا دا دندیک که، آز حقوق آلسینلار. البته محاربه زمانیندا قویولان حقوقلار ایندی اولابیلمز و بو ایش ده غیر عادلانه دگیلدیر. چونکه سطح زندگاتلیق آشاغی گلیردی. مثلا بیر آدمین اوتوز تومن حقوقو و یئتمیش تومن مدد خرج و فوق العاده سیدی. ایندی که، سطح زندگاتلیق آشاغا دوشوب و یوزده قیرخ جنسلر آشاغی گلیر؛ دنمک اولار که، بیزیم بو ایشیمیز کاملاً عادلانه دیر. ایندی مثلا تبریزده یاغین قیمتی ۲۵ تومن دیر. در صورتیکه کنچن ایللرده آلمیش تومن ایدی. ایکی قرانلیق یومورتا ایندی ۱۲ شاهیا ساتیلیر. ایندی هر پارچا که، بازاردا مثلا اون تومنه ساتیلیردی، دولت مغازه لرینده اوچ تومنه ساتیلیر. بیز دعوا

زمانی نین حقوقونو و نرسیدیک، اوندا هم ناعادلانه اولمازدی، همده خلقی سویماغا مجبورایدیک. همده سطح زندگانلیق یوخاری گنده ردی.

سونرا بویوک بدبختلیک که، ایرانین باشیندا واردیر، بودور که، ایشچینی ایشه گوره قویموردولار و قدیمدن سوندلیلر و بلژیک لیلر نجه اصول قویموشلار سا، نله ده قالیردی. مثلا بیزیم اداره لریمزده اون نفر آداما ۱۲ نفر پیشخدمت ایشله بیر. سیزین نظریزه نله گلمه سین که، پیشخدمتین حقوقو آز اولوب، دولت بودجه سینه نله تأثیری یوخدور؛ لاکن آذربایجان دوایرینده پیشخدمتلرین عده سی ایکی میندن زیاده دیر. آیدا اونلارین حقوقو ایکی یوز مین تومن اولور. بیز بو پوللا یاخشلی قوشون ساخالیا بیلریک. البته مقصودوموز پیشخدمتلر ایله مخالفت نتمک دکلیدیر. لاکن اداره نین هر بیر کیچیک ایشینه بیر شعبه آبیرواق که، مثلا بو شعبه لرین، ایلین باشیندا شاید یوز تومنلیک دولته نفعی یوخدور. اونلارین حقوقلاری کندلیله و قوجا آروادلارا تحمیل اولونور. البته بو عده نین هامیسینین تقصیری یوخدور. لاکن دنمک اولار که، ایش قورانلار قاباقچادان بونو فکرنتمه بیلر.

بیز بیرینجی دفعه تمام اداری تشکیلاتی دگیشه بیلمزدیک. بونا گوره ده بیر آز ایشچیلرین عده سینده تخفیف و نردیک و بیر قدر ده، اول اوچ آیدا، او آداملارین حقوقلاریندان که، وجودلاری زاید دیر، آزالتدیق. ایندی ایسه بیکارلیغین قاباغینی آلماقدان نوتری بوتون ایشچیلری ساخالماق مجبوریتینده بیک. بو آداملارا باشقا یئرلرده مفید ایشلر ونره جیبک. بونونلا برابر، ناچارلیق که، اونلاری بیر مدت ده اداره لرده ساخالیبب کوچه لره تۆکمکن پرهیز نده ک. بو ایلیکی بودجه میزده بیر نفرده اداره ایشچیسسی نین اداره دن چیخاریلماسینا یول ونرله میشیک. برعکس بعضی تازا مؤسسه لر تشکیل نتمکله ایشچیلریمیزین عده سینی آرتیرمیشیق.

ایندی حساب بیزیم الیمیزده واردیر. بودجه میزده تنظیم اولونوبدور. هامینیز بیلیرسیز که، ایران دولتی نچه ایلدیر که، کامل بیر بودجه تصویب نده بیلمه میشدیر. آنجاق بیر ایلیق و ایکی ایلیق ناقص بودجه مجلسه گتیرمیشدیر. لاکن بیز بو دوره ده،

...آقای پیشه ورینین... گوردوگو ایشلر حقینده وئردیگی گزارش

کامل صورتده، بودجه میزی مجلس ملیمیزه گنیرمیشیک. هله بو گرک بوندان دا تنز مجلسه وئريله ایدی. لاکن تأخیرینه سبب بیر پارا علتلر واردیر که، اونلاری سیزه گؤستره جگم.

بیز کنچن گلیردن وئرگی مالیاتینی دگیشدیردیک. چونکه بیلیردیک که، ایندی کنچن ایللر کیمی استفاده نتمک اولماز و عادی بیر حالدا بوندان استفاده نتمک چتیندیر و آنجاق گوجلو تاجرلر بازاردا استفاده نده بیلرلر. بیز بو اوچ آیین ایچینده مالی جهندن ایشلره مسلط اولدوق. اوچ یوز مین تومن فقط میانه و زنجان دمیر یول اداره سینه وئریدیک. بونو وئرمه سه ایدیک ده، اولمازدی. ایندی بو جهندن ملی حکومتین وضعیت مالیسی یاخشیدیر.

تدبیرین بیریسیده بودورکه، بیر ملیون خزانه قبضی چاپ نتمیشیک. بو، بوندان نوتری دیر که، جنسی اوچوز وئر ک. مثلا اون تومن جنس مقابلینده دوقوز تومن آلینیر. بونون فایداسی بودور که. اولاً خلقدن بیر ملیون تومن بورج نتمگه مجبور اولمادیق. البته بو پول بورج اولونسایدی، استهلاک اولوناجاق ایدی. بویوک مقداردا گرک فائز وئريله ایدی. بوندان باشقا جنس ده ساتدیق و بو بیر ملیون، ایلین آخرینا قدر، نچه دفعه دولتار و نچه برابر اولار.

بوگون که، آیین اون آلتیسیدیر، مالی جهندن داها وحشتیمیز یوخدور. بیز بیلیریک که، پولوموز وار. بو بویوک بیر موفقیتدیر که، بودجه میزی تنظیم نتمیشیک و کسر بودجه میز یوخدور. بو ایش حتی اورپا دولتلرینده ده چوخ چتیندیر. بیزیم بودجه میز، کنچمیش دولتین طرفیندن یازیلان بودجه دن، نچه قات آرتیق دیر. بودجه میزده مین نفر آرتیق ایشچی استخدام نتمیشیک. بیز اداره ایشچیلرینی ساخلیریق تا ایش تاپیلدیقدا اونلارا باشقا ایش وئر ک. البته بو ایش مالی سیاستیمیزین دوزگون لوگونون نتیجه سیدیر.

آقای شبستری- اون بنش دقیقه تنفس وئرلیر.

تنفسدن سونرا.

آقای شبستری- آقای پیشه وری نوز بیاناتینا ادامه و نرسینلر.

آقای پیشه وری- بو مسئله دن سونرا فکرمیزی مشغول نده ن اقتصاد مسئله سیدیر. بیز هله فکر ندیرک که، ملی حکومت تشکیلیدن سونرا آذربایجاندا بو یوک احتکارلار باشلانیب و ممکن دور که، آذوقه آزالا. اوندان سونرا، مخالفیمیزین تبلیغاتینین نتیجه سینده، وحشته دوشموش تاجرلر خارجه آذوقه آپارالار و نوز لرینه سرمایه نده لر. بو قورخو حکومت ملیدن قابق دا وارایدی. اونا گوره بیر همیشه شهرین آذوقه سینی کنترول ندیریک. فرقه نین اینتیلیشلاری اقتصاد ایشلرینی نچه مدت تأمین ندیردیلر. فرقه نین تشکیلاتلاری یولو ایله، درخشانین شهر انبارلاریندان نظامیه یه آذوقه انتقال و نر مه سینین قاباغینین آینماسینا چالیشیردیق. بیز بیلیردیک که، سیاسی ناراضیقلار، بحرانلار اغلب چوره ک مسئله سیندن دیر.

بیز چالیشدیق آذوقه نین یولونو آذربایجاندا خارجه مسدود نده ک که، بو ایش بعضی اشخاصا ضررلی دیر. لاکن قوی بنش نفر، اون نفر ضررگورسون، اهالی وحشته دوشمه سین و ملی حکومتدن بهالیق گورمه سین. نجه که، دندیم بو ایشدن بیز یاخشی نتیجه آلدیق. چوره ک و سایر شنیلر اوجوزلانندی. لاکن تهراندا عکسینه اولدو. حتی دندیلر که، آذربایجان آذوقه و نر میر. آجلیق اولور. در صورتی که بو فریادلارلا اوبیرسی طرفدن چالیشیردی که، مالی بحرانلار بیزی بوغسون و پول لاریمیزی چکیب آپار سین. متوحش اولان وارلی آداملار پوللاری آپاردیلار. بیزی فشاردا قویماق ایسته دیلر. بو ایش سبب اولدو که. بازاردا جنسلر داها اوجوز اولسون. خلقین اکثریتی اوجوزلوقدان راضی اولوردو. اداره ایشچیلری، زحمتکش و کارگرلر راضی قالیردیلار. بو، اوزون مدت دوام نده بیلمزدی. محصولون بهالیغی پیس اولدوغو کیمی، حددن آرتیق اوجوزلوغودا بنله ضررلیدیر. گرک کندلینین نوز ایشینه اوره گی قیز سین و محصولونو عادلانه قیمتیه ساتا بیل سین. بیز جور- بجور یوللارلا بونون قاباغینی آلدیق:

۱- صادراتا عوارض تعیین نتمک مسنله سی ایدی. چونکه جنس آذربایجاندان خارجه گنتسه ایدی. ببردن سریع بیر صورتده باهالیق تولید اولاردی. بونا گوره چوخلو مذاکره دن سونرا انقلابی بیر تدبیر گؤتوردوک و بنله قرار و نردیک که، صادرات مقابلینده عوارض آلینسن. آذربایجاندان گنده ن جنسلره بیر مقدار کرایه و بیر مقداردا نفع اوستونه گلیر و بنله لیکله بو جنسلر همیشه تهراندا اوجوز اولور.

بیز اول خشکبارین صادر اولماسینا اجازه و نردیک. اولده بیز صادراته اجازه و نر میردیک. لاکن ایندی و نر میثیک. بونولار برابر، یئنه لایقی قدر صادر اولونمور. دنمک اولار که، بو وضعیت دنیا وضعیتینه باغلیدیر. گلجکده بیز قیمتلی جنسلریمیزی صادر نتمگه یول تاپاجاییق. عمومیتله دنمک اولار که، ایران دولتینن خارجی و تجارتی سیاستی یوخدور. تهران حکومتی خارجدن گلن ماللارین قاباغینی آلماق و نوز ماللارینا دنیادا بازار تاپماق باچارمیر. ایندی مثلا تیکیلی پالتار و اوتومبیل سنل کیمی ایران بازارینا توکولور، دسته- دسته تاجرلری ورشکست ندر. خارجدن گلن کهنه پالتارلاری گنیمک بیزه تحقیر و توهین دیر. بیز اولاری گیه بیلمه ریک. ایران حکومتی نوزو بیلیر، نه ندرسه نتمسن. لاکن بیز نوز قیمتلی جنسلریمیزی صادر ندیب و عوضینده بیزه لازم اولان شنیلردن: مثلا لاستیک، شهرلریمیزین آبادلیغی ایچون لوله، آسفالت و باشقا شنیلر وارد نده جیبیک. ایران دولتی نوزونه لازم اولان شنیلری، احتیاجی قدر، وارد نده بیلمیردی و بیلمیر. چونکه تهران ایشلری اوغروالار اینده دیر. بیر تاجر یوزمین تومن و نریر واردات اجازه سی آلیر. بنله لیکله من دنیه بیلرم که، بیز خارجی تجارت مسنله سینده ده مسلط اولموشوق.

امید ندیرم بنله بیر محکم اقتصادی سیاسته مالک اولان بیر حکومت ترقی نده ر و هر بیر مشکلاته فایق گلر. محاربه زمانی تجهیزات و سلاح قاییران کارخانالار ایندی هامیسی تجارتدن نوتری ایشله بیر. بو خطرناک دیر. بونلار خلقین قانینی سوراجاق. ایندی بونون نتیجه سینده بیزیم صنعتکارلاریمیزدان مهم بیر حصه سی بیکار قالمایا مجبور اولموشدور. اگر محکم اقتصادی تدبیرلر گوره بیلمزسک

صنعتکارلاریمیز آرادان گنده ر. بیکارلیق دنیای تهدید نده ن بیر بویوک بلادیر. بوندان بویوک اعتصابلار، بویوک اقتصادی بحرانلار عمله گلیر. البته نولکه نین دوره سینه حصار چکمک اولماز. لاکن واردات و صادرات ایشلرینه نله ترتیب و نرملک اولار که، ایسته دیگیمیز شنی آلیب و ایسته مه دیگیمیزی آلمایق. نئجه که، سووه ت نولکه سینده بنش ایلیک نقشه لر اوزره بو چتین لیکلری آرادان آپاریرلار.

کنچن دوره ده ده بیزده احصائییه موضوعو چوخ پیس شکله ایدی. مثلا بعضی نولرده نچه دانا آرتیق سجل تاپیلیردی. هله ایندی ده واریدیر. ایندی بیز دوزگون احصائییه تهیه ندریک. بیلیریک که، خارجدن گتیریلن کبریتیه احتیاجیمیز یوخدور و بلکه کارخانالاریمیزدا تهیه ندیلن آرتیق کبریتیه گرک خارجده بازار تاپاق. بیرده بونو بیلمه لیک که، ملی حکومت دیوانخانا دگیل. اونون وظیفه سی خلقین حیاتی نی تأمین نتمک ایچون یوللار تاپماقدان عبارتدیر. بحران سنلینن قاباغینی آلماق بو وظیفه نین گونده لیک ایجاباتیندا ان مهمو حساب اولونا بیلر. بیز چالیشیریک که، تجارت ساحه سینده نوز محصولوموزو خارجه ینتیره بیله ک و او شنی که، تجارتیمیزه ضرر لیدیر، اونون وارد اولماسیندان جلوگیرلیک نده ک. بیز بویولدا چوخ موفقیتلره نایل اولموشوق. لاکن هله بعضی شنیلردن حداکثر استفاده نی نده بیلیریک. ممکن دور که، بیر نفرین ۳- ۴ اوتومبیلی اولسون و بیعرضه اولسون و اونلاردان هیچگونه استفاده نده بیلمه سین. لاکن ۳- ۴ قاطری اولان بیر آدم نله یه بیلر، او قاطرلاردان کفایت قدر استفاده ندیب، اولکی شخصدن قاباغاً دوشسون. آقای رسولی ایله میاندا آب کارخاناسینا گنتدیکده، ایران ارتجاعی حکومتینن هنج وقت نوزونون الینده اولان امکاملاردان، خلقین آسایشی ایچون لازمی استفاده فکرینده اولمادیغینی یئنه ده گوردوم. گوردوم که، یدی دانا تراکتور ایش سیز و استفاده سیز حالدا ساخلانیبیر. بیلدیگیمیزه گوره هر تراکتور ایکی هکتار یئر سوره بیلر. من گوردوم که، بو تراکتورلاری کامیونو چایدان چیخارماق ایچون ساخلاییلار. هال بو که، بو تراکتورلارین هر بیرسی ۲۰ مین تومنه باشا گلیر و بو بویوک بیر ثروت دیر.

بیز گرک چالیشاق که، اقتصادی امکانلاردان یاخشی استفاده اولونسون. مثلا چوخ بیزه چاپیلار واردیر که، اگر سد باغلانا، اولنلاردان بویوک استفاده لر اولونا بیلر. بیز گرک صنعتی فلاحت عمله گتیره ک. مثلا پامبیق، باراما، کتان و قند چوغوندورو بیزه ک. بیزیم اقتصادی و تجارتي ایشچی میز آزدیر. اغلب دولت مأمورلاری فرقه وی و سیاسی ایشچیلر دیر. گرک مرور زمانلا بو ایشچیلر اقتصادی و تجارتي ایشلره آشنا اولا بیلسیلر. بیزیم اقتصادی تدبیرلریمیزدن ان مهمی یئر بولگوسودور. بو واسطه ایله بیر ملیون کندلی یئر صاحبی اولاجاقلار. البته بو تنزلیکه او یئرلردن، کفایت قدر استفاده نتمک اولماز. لاکن بیز اینانیریق که، دولت فلاحت باتگینی قوتلندیریپ،دورد- بنش ایلدن سونرا، فلاحت محصوللاریمیزین یوزقات آرتماسینا امکان ونره چکدیر. یئر بولگوسو باره سینده ایندی اولا بیلر که، هامپا و قره آراسیندا اختلاف اولسون. لاکن یئرلی مأمورلارا دستور ونریلیر که، اولنلاری بیری- بیریله یاخینلاشدیرماغا چالیشسینلار. تا بیری- بیریله کمک نسینلر که، قارا آیاغا قالخسین و هامپا ایله ده اختلاف چیخماسین.

آذربایجاندا یئر چوخدور و آذربایجان جماعتی ده زحمتکش و چالیشقان بیز جماعت دیر. خلاصه یئرلرین بولونمه سی و یئر بولگوسو چوخ بویوک اقتصادی کمک اولاجاقدیر و بوندان بنله مازندران و باشقا یئرلرده اولان آذربایجانلیلار وظنلرینه قایدیب زراعت ایشینه باخاجاقلار. البته بو ایشین سیاسی نتیجه سی ده چوخ بویوک دور. سیاست ایله اقتصاد بیز- بیریله مربوط دور. اگر بیز حکومت اقتصادی جهته قوتلنسه، سیاسی جهت جه ده قوتله نیر. تهران حکومتی خلقی قوتلندیرمکدن قورخور. من فکر ندیرم که، خلقی آج ساخلاماقدادا تعمد وار ایدی. بیزیم حکومتیمیز خلق حکومتی اولدوغونا گوره، گرک بیز خلقی آیقاندیراق. مثلا گرک بنله اولسون که، بیز نفر خلق قوشونلاری سیراسینا گنتدیگده، عائله سیندن نگران قالماسین. لاکن آج اولدوقدا او گرک گنجه- گوندوز معاش فکرینده اولسون و بنله آدامدان فدائی و نظامی چیخماز.

باشقا بیر اقتصادی موضوع صنایع مسئله سیدیر. ملی حکومت قورولمادان اول بیزیم مهم کارخانالاریمیز تعطیل و یا اینکه تعطیل اولماق خطرینده ایدی. بیز اوچ دورد آیدا اونلارین ایشه سالینماسینی تأمین نتدیک. ایندی هامیسی ایشله بیر و بو بیر منفعتدیر و مهم بیر ایشدیر. بو یاخین زماندا بو کارخانالار نده بنله جکله که، نله پارچالار و نرسینلر که، مهم قسمت لباسیمیزی تأمین نتسین. بو کارخانالار خیانت و اوغورلوق نتیجه سینده باتمیشدیلا. مثلا یونو بنش تومنه آلیب و کارخانایا ۱۵ تومنه ساتمیشدیلا. خلق سهملرینی بیر تومن قیزیل پولاً آلمیشدیلا. لکن ملی حکومت قورولمادان قاباق ۲ قران پول اونلارا و نریردیلا. ایندی او خیانتلری گؤرنلر قاجیرلار. لکن مجازاتدان قاچا بیلمه یه جکله. حاجی غلام جورابچی و باشقالاری نوز گوردوکلری پیس ایشلرین پاداشینی گؤره جکله. ملی حکومت تشکیلیدن سونرا مسئله ساده بیر وجهله حل اولدو. ایندی کارخانالاردا ۴۰۰ نفر ایشچی ۸۰۰ نفرین گوردوگو ایشی گؤرمگه موفق اولور. ایندی هم کیفیت، همده مقدار جهتجه، کنچن زماندان چوخ آرتیق، محصول گوتورورلر. بو مسئله عین زماندا سیاسی بیر مسئله دیر. سربازلاریمیز چوخ یاخشی تعلیمات آلیرلار. لکن پالتارلاری یوخ ایدی. ایندی بیز اونلارا پالتار و نرمرگه موفق اولموشوق. بیز چالیشیریق که، بیرینجی درجه ده صنعتی ماشین ایشینه و سونرا ایکینجی درجه ده ال ایشلرینه باخاق. اما بو آغیر ایشدیر. دولت گرک بو چتین لیکلره فایق گلسین و بیز فایق گله جیک.

بیکارلیق مسئله سی بیزیم ایچون آغیر یوک دور. بیز گرک بونو آرادان گوتورک. بیز بونادا تدبیرلر گورموشوک. یوللاریمیز که، ایندی چوخ پیس حالدا دیر، اونلاری دوزلتمک ایچون اقدام اولونور. مثلا آستارا- اردبیل، سایه قلعه- میاندواب، زنجان- میانه- تبریز یوللاری دوزلمه لیدیر و بو صورتده نچه مین عمله ایشله یه بیلر.

باغچیلیق و زراعت زمانی گلیب چاتیبدیر. کندلیلر نوز زراعتلرینه گنده جکله. بوندان باشقا بلدییه ده شهرین آباد اولماسی ایچون، بیر چوخ عمله ایشله ده بیلر. بیزیم آرزوموز بودور که، ایش سیزلیک آرادان گنتسین. بیرده چالیشیریق که، ایش

...آقای پیشه ورینین...گوردوگو ایشلر حقیقنده وئردیگی گزارش

سیزلرین سیاهیسینی توتاق. ایندی ایش سیزلیک داد فریادی چوخدور. لاکن هله نله بیر احصانیه الده یوخدور. بعضی آداملار واردیر که، آنجاق میز باشیندا اوتورماق ایسته بیرلر و آیری ایشی گورمهکده حاضر دگیل لر. بونلار پارازیت دیرلر. البته حقیقی ایش سیزلر واردیر که، کارخانالار باغلی اولماق نتیجه سینده وضعیتلری یاخشی دگیل دیر.

باشقا مسئله لرده عمومیتله ملی حکومتین دوام و بقاسی ایچون دور. ملی حکومت تاسیس اولدوقدا شعاریمیز ایالت و ولایت انجمنلری اطرافیندا ایدی. لاکن عملده گوردوک که، بو، ملی حیاتیتمیزی تأمین نده بیلمیه جکدیر. بیز مجبور اولدوق که، ملی مجلس و ملی حکومت یاراداق. ایندی گرک بو ملی تشکیلاتی ساخلاباق. چونکه بو تشکیلات خلقین احتیاجی و ایسته دیگی اوزرینده عمله کلیدیر.

خلق ملی حکومتی نوزونونکو بیلیر و اونو ساخلاماگی نوزونه بورج بیلیر. اولده بیر پارا مغرض آدملار دندیلر که، گویا بیز ایران آذربایجانینی شورا آذربایجانینا یاپیشدیرماق ایسته بیریک. یا اینکه دموکرات فرقه سی آذربایجانی سووه ت حکومتینه ساتیبیدیر. لاکن بیز گؤستردیک که، اونلار هامیسی بالاندیر. عملده اونو اثبات نئدیک. ایندی قیزیل اوردو بورادان گئدیر. هامی بیلیرکه، قیزیل اوردونون ورودی سبب اولدو که، استبداد حکومتی یخیلدی. بونا گوره گرک اوندان تشکر نده ک که، رضا خاتین استبدادی اونون گلمه سیله یخیلدی. بودا قیزیل اوردونون بیزه اولان بویوک خدمتی دیر که، ملی اسارتی سیندیردی. هله من دنمیرم که، اگر آلمانلار غالب اولوب آذربایجانا گلکسیدیلر، بورادا حتی بیر نوده قالمزادی. قیزیل اوردو استالینگراد، مسکوا، نئینگراد دا استبداد قوه سینی سیندیرماقلا دنیا خلقلریله برابر خلقیمیزین آزادلیغینی تأمین نله دی و نولکه میز قان دریاسینا دؤنمکدن خلاص اولدو و ایندی بو اوردو گئندنه گرک آلفیشلارلا اونو یولا سالاق. بیز بو مدتده گوردوک که، قیزیل اوردو چوخ نجابت، متانت و اخلاقلا رفتار نئدی. اونلارین رفتار و اخلاقی هامییا سرمشوق اولدو فکر نئدین اگر آرتش شاهنشاهی اولسایدی نه ایشلر

چیخارداردی و بیر شهیره، قیزیل اوردو کیمی، فاتح اولاراق داخل اولسایدی خلقین باشینا نه کیمی فلاکتلر کتیره ردی.

قیزیل اوردونون گنتمه سی بیزیم ایچون ناگهانی دگیلیدیر. بیز چوخ گؤزه ل بیلیریک که، او اوردو توپراق آلماق و یا شهر اشغال نتمکدن نوتری سرحدیمیزی کنجه میشدیر. اونون مقصدی دنیانی اسارت آلتینا آلماق ایسته ین فاشیزمین، ایراندا اولان، آتارینی ریشه دن کسمک ایدی و بونادا افتخارلا موفق اولوبدور. ایران خلقی، مخصوصاً آذربایجان جماعتی او قهرمان اوردونون بویوک خدمتینی هرگز اونودا بیلمز. خلقیمیز او اوردونون معنوی کمگینه همیشه منتدار قالاچاقدیر. بیز آرزو ندیریک که، قیزیق اوردو همیشه دنیا آزادلیغی و دنیا دموکراتلیغینین نگهبانلیق وظیفه سینی عهده سینده ساخلاسن.

قیزیل اوردونون گنتمه سینی بیز مرتجعلر کیمی استقبال نتمیریک. بیز اونو احترام و عزتله یولا سالیریق. ارتجاع ایسه اونون گنتمه سینده نورونون ال- قولونون آچیلما سینی آختاریر. بیز آچیق ندیریک که، قیزیل اوردونون گنتمه سیله مرتجعلر چوخدا امیدوار اولماسینلار. آذربایجان خلقی آلدیغی آزادلیغی ساخلا ماغا قادر دیر. قیزیل اوردونون گنتمه سیله بیزیم ملتیمیز، اراده سیله الده ندیلن آزادلیغی خلل دار نتمیه جکدیر. ایندی ملی حکومتیمیزی گرک ساخلاق. آذربایجان خلقی، حتی چوخ آز جمعیت اولسادا، آزادلیقدان دفاع نده جکدیر. بونا گوره من سیزدن رأی اعتماد ایسته بیرم. (وکیللر: بیز رأی اعتماد یوخ، جاتیمیز و مالیمیزی دا ونره جیبیک) بیز ایندییه قدر ملی آزادلیغیمیزی ساخلامیشیق. بونون بیرینجی ضامنی فرقه تشکیلاتیمیزدیر. ایندی تبریزده چوخ آز بیر نو واردیر که، نو اهلیندن، هیچ اولمازسا، بیر نفر دموکرات فرقه سینده اولماسین. گرک او فرقه نین رهبرلیگینه اعتراف نده ک. بونون ایکینجی ضامنی ده بیزیم فدانیلریمیز دیر. اونلار آز بیر مدتده قیام نتدیله و ایندی ده آزادلیغیمیزین ضامن دیرلر. بیزیم فدانیلریمیزین تاریخی چوخ یاخین تاریخدیر. مصنوعی تشکیلات دگیلیدیر و اونون تشکیل تاپماسی کئچن حکومتین

...آقای پیشه ورینین...گوردوگو ایشلر حقینده وئردیگی گزارش

فشارلاری نتیجه سینده اولوب و ایندی ایسه بونلار ملی حکومتیمیزین دالیندا دورماغا حاضرديرلار. اونلار زنجاندا نوالفقاری، اردبیل ده، اهر ده و باشقا یئرلرده اولان مخالف دسته لرینی ازدیلر. ایندی بیز فدائیلریمیزه امکان ونره جییک که، کوتان و خیش دالیندا ایشلیه- ایشلیه عین زماندا تفنگی اللریندن ییره قویماسینلار. تا آذربایجان وار، فدائی وار. چونکه او، آزادلیغی قوروبدور. لاکن بو تشکیلاتی ساخلاماق بیز تک فدائیلرله اولماز. بیزیم منظم قوشونوموزدا گرک اولسون. بیز آز بیز زماندا منظم و قدرتلی بیز قوشون تشکیل نتمیشیک. اگر ایندی بیز نقصی اولسادا تنزلیکله دوزلده جییک. قوشونو و فدائیسسی اولمایان بیز ملت هنج وقت آزادلیغی حفظ نده بیلمز. بیز گرک هر بیز شنیدن کسه ک، فدائی و قوشونلاریمیزی قوتلندیره ک.

کتاب منبع سی: شهریورین اون ایکی سی

۱۳۲۴ - ۱۳۲۵

آذربایجان دموکرات فرقه سینین بیرنجی ایل دونومی مناسبتیله

مرکزی تبلیغات شعبه سینین نشریه سی

تبریز ۱۳۲۵

تایپ الیین: یاشار آذری

کتابخانانین اینترنت آدرسه: <http://www.javaan.net/nashr.htm>

پست آدرسه: BM IWSN, London WC1N ۳XX, UK

ایمل آدرسه: yasharazarri@yahoo.com

نشر کارگری سوسیالیستی نین مسنوله: یاشار آذری

تایپ الیین تاریخ: ۱۳۸۵